



Innkalling
av
Næringsfondsstyret

Møtedato: 18.10.2017

Møtestad: Konferansesalen

Møtetid: 13.00 - 14.00

Eventuelle forfall må meldast via Møteportalen (politikarportalen). Ordføraren må og få melding om forfall til møter.

Varamedlemmer møter berre etter nærmere avtale.

Sakliste

Saknr	Tittel
013/2017	Godkjenning av innkalling og saksliste
014/2017	Godkjenning av møtebok
015/2017	Orienteringssaker
016/2017	Framlegg til vedtak - søknad fra SeaCamp AS, gründerhus .

11. oktober 2017

Tom Kristian Thorsen
møteleiar

Jo Bjarte Tømmerbakke
sekretær

Sakspapir

Saksbehandler	Arkiv	ArkivsakID
Anneli Vatle Lilletvedt		17/272

Saksnr	Utvalg	Type	Dato
013/2017	Næringsfondsstyret	PS	18.10.2017

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Sakspapir

Saksbehandler	Arkiv	ArkivsakID
Anneli Vatle Lilletvedt		17/272

Saksnr	Utvalg	Type	Dato
014/2017	Næringsfondsstyret	PS	18.10.2017

Godkjenning av møtebok

Forslag til vedtak:

Møtebok vert godkjend slik ho ligg føre

Saksopplysningar:

Vedlegg:

Protokoll - Næringsfondsstyret - 06.09.2017

Sakspapir

Saksbehandler	Arkiv	ArkivsakID
Anneli Vatle Lilletvedt		17/272

Saksnr	Utvalg	Type	Dato
015/2017	Næringsfondsstyret	PS	18.10.2017

Orienteringssaker

Forslag til vedtak:

Sakene vert tekne til orientering

Saksopplysningar:

Sakspapir

Saksbehandler	Arkiv	ArkivsakID
Ove Sæbø		17/266

Saksnr	Utvalg	Type	Dato
016/2017	Næringsfondsstyret	PS	18.10.2017

Framlegg til vedtak - søknad fra SeaCamp AS, gründerhus .

Forslag til vedtak:

Modalen kommune løyver inntil kr. kr. 453 750,- i løn og inntil kr. 500 000,- i tilskot fra næringsfondet til SeaCamp AS.

Løvingane er på til saman inntil kr. 953 750,- (35 % av totale kostnader) og skal nyttast i tråd med søknad om *gründerhus for Modalen og omegn* d. 23.09.17 – kjøp av hus og tomt. Lånet skal sikrast med pant.

Lånerenta er den til ei kvar tid gjeldande rente i næringsfondet og skal tilbakebetalast med like store halvårlege avdrag i 10 år.

Saksopplysningars:

SeaCamp AS søker Modalen kommune v/næringsfondet om stønad til etablering av gründerhus. Verksemda har inngått foreløpig avtale med eigar av «Mosand-huset» om overtaking og ynskjer å restaurere, tilrettelegge og utvikle bygget og staden. Det vert lagt opp til aktivitetar som utleige av rom/leilegheit, kontorutleige, lagerutleige, utleige av godkjent kjøkken, festlokal, bryggeri, samt oppstilling/drift av oppstillingsplass for bobil/campingvogn.

Søkjar ber om stønad fra næringsfondet på opptil 75 % av totale kostnader. Samla kostnad er rekna til kr. 2 725 000,-. Søknadssum er kr. 1 329 500,- med fordelinga kr. 997 875,- i tilskot og kr. 331 625,- i løn.

Bakgrunn

SeaCamp AS ynskjer å bidra positivt til næringsutvikling i Modalen og vurderer at det er bruk for nye initiativ. Verksmeda har allereie inngått mellombels avtale med kommunen om drift av oppstillingsplass for bobil/campingvogn på nabotomta.

Søkjar har hatt tett dialog med Modalen kommune v/ kultur- og utviklingssjef underveis i prosessen, og har fått råd og innspel underveis m.a. knytt til å underbyggje, klargjere og vurdere ulike sider ved prosjektet.

Vurdering

Næringsfondsvedtekten:

Stønad frå næringsfondet skal vurderast i forhold til forventa effekt på sesselsetjing og/eller busetnad. Ein kan òg vurdere i forhold til nyskaping/vidareutvikling av verksemder. Søknaden kan kvalifisere for stønad. Vurderinga er i kva grad.

Strategisk næringsplan:

Næringsplanen peiker mot at det skal satsast på gründerverksemd, samarbeid og utvikling i Modalen. Det er færre innbyggjarar i Modalen i skiktet 16 – 45 år enn i den generelle befolkninga. Dette har samanheng med at mange flyttar ut av kommunen for å utdanne seg – og seinare tek seg jobb der. Modalen treng å styrke seg innanfor initiativ og nyskaping. Difor er dette ei viktig gruppe i forhold til næringsutvikling i kommunen.

Tiltaksprogrammet i næringsplanen peiker på fokusområdet *reiseliv* kor ein m.a. skal få på plass oppstillingsplass for bobil/campingvogn. I tillegg styrke aktivitet i Mo sentrum.

SeaCamp har vore aktive og tatt på seg mellombels driftsansvar for dette, og er underveis i utviklinga. Søknaden innheld ein plan om å utvikle og gjere dette til eit permanent tilrettelagt tilbod.

Næringsplanen seier vidare gjennom fokusområdet *gründer, etablering, entrepenør og innovasjon* at me skal sikre og prioritere at gode og bærekraftige forretningsidéar utløyser stønad gjennom rådgjeving og finansiering, samt at me skal aktivt profilere program og ressursar knytt til etablering. Vurderinga er at breidda i tiltaket byggjer på etablert byggjemashe (inkl. tomt). Reiseliv og utnytting av eksisterande bygg, tilrettelegging for lokalmatutvikling (kjøkken) bør vurderast å vere innanfor bærekraftig næring. Det ligg til rette for moglege synergieffektar kor andre verksemder kan få utviklingsmoglegheiter gjennom tiltaket.

Under fokusområdet *naturressursar* peiker planen på aktivt å støtte verksemder som ynskjer å byggje på lokale naturressursar. Reiseliv er som nemnt ein viktig faktor i næringsutviklinga i Modalen, samt i omsøkte prosjekt. Reiselivet tek i stor grad utgangspunkt i naturopplevingane ein kan oppleve i kommunen.

Rådmannen vurderer det slik at tiltaket er i tråd med føremålet i næringsfondsvedtekten når det gjeld nyskaping. I tillegg vil tiltaket slik søkjar legg opp til kunne ha ein god stimuleringseffekt på øvrig aktivitet i tilknytning til verksemda.

Ringverknadane vil kunne virke inn på sysselsetjings- og busetnadseffekt, men er ikkje umiddelbare. Dersom ein vurderer i forhold til eit lengre perspektiv, og legg inn aktivitetar som kontorutleige, overnatting, bryggeri, camping m.m. vil dette vere ein aktuell vidareutvikling.

Økonomi - finansiering:

Søkjar viser til eit totalbudsjett på kr. 2 725 000,-. Av dette er kr. 1 329 500,- (48,7 %) finansiering frå næringsfondet, kr. 997 875,- i tilskot, og kr. 331 625,- i lån.

Det er lagt inn kr. 450 000,- (16,5 %) i egeninnsats, kr. 75 000,- (2,7 %) i egenkapital frå prosjektgruppa, samt at søkjar viser til (epost d. 27.09.17) at det er gjeve tilsegn om kr. 870 500,- (31,9 %) i lån frå DNB under føresetnad om at Modalen kommune går inn på same premissar.

Det er positivt at privatbank bidrar med om lag 1/3 del, samt at søkjar også stiller med nesten 1/5.

Økonomi – forretningsplan:

Søkjar har inkludert utgifts- (årleg) og inntektsplan (første 3 – 5 år). Faste utgifter er kalkulert til kr.

445 738,- pr. år, medan inntektene er kalkulert til kr. 600 000,- pr. år.

Det er gjort enkle undersøkingar knytt til behovskartlegging av campingplass, og resultata syner i følgje søker at det allereie er 7 ganske sikre innsal på fast plass. Det er lagt inn forventa årleg inntekt på kr. 350 000,- på ordinær camping (3 gjestar pr. døgn gjennom heile året, à kr. 250,-).

Lagerutleige og utleige av leilighet er det allereie inngått opsjonsavtalar med aktørar for kr. 162 000,- pr. år

Avtale om 3 heilårs caravanutleigepllassar, samt utleige til Modøl AS er under utarbeiding og er kalkulert til kr. 54 000,- pr. år.

Det er budsjettet med lønskostnad på kr. 227 500,- (50 % stilling) i året.

Rådmannen si vurdering er at det eit behov for gode løysingar når det gjeld bobil-/campingtilbod i Modalen, og at desse vert handsama i privat regi. Det er fornuftig at private tek på seg å drifta ulike tilbod til andre private, t.d. lagerutleige, kontorlokaler, uteleigeferdighet, godkjent kjøkken. I tillegg er det faktorar som mikrobryggeri, event-/friluftsaktivitetar (sjø/elv). Summen av dette er at det er eit allsidig tilbod som vert søkt etablert.

Søkjarar har vore aktive i reiselivsgruppa som samlast om lag kvar 4 – 5 veke under leiing av Modalen kommune.

Rådmannen er usikker på om det er råd å hente inn inntekter i det omfanget som er skissert, samt at det er noko vase marknadsvurderingar som ligg til grunn for etablering/budsjettering av dei ulike delkomponentane i tilboden. Styrken er likevel at det er fleire bein å stå på. I tillegg at søker bidreg ved å nytte eigne midlar og eigeninnsats. Det kan og vere at ein er nøydd til å etablere eit slikt tilbod før ein får ei realistisk vurdering av forretningsidéen.

Modalen treng at aktørar tenkjer offensivt, men at det samstundes er realisme og forankring for dei satsingar som vert gjort.

Konklusjon

Tiltaket har ein del uvisset ved seg når det gjeld effekt av nyskaping. Det er ikkje konkretisert kva forventningane er knytt til sysselsetjings- og busetnadseffekt. Når konkretiseringa og dei vurderingar som skal ligge til grunn for denne uteblir, aukar risikoen.

Det fører til at tiltaket vert plassert i tildelingskategori 2: *Samla stønad inntil 35 %. Dette inneber middels grad av sysselsetjingseffekt, busetnadseffekt og tiltak som i middels grad kan føre til nyskaping/vidareutvikling av verksemder.*

Utbetaling av lån og tilskot forutset at søker har gyldig løyve til endring/tilrettelegging og bruk av omsøkte prosjekt. Søknad til næringsfondet vert ikkje vurdert i forhold til byggetekniske krav, reguleringforhold m.m.

Stønaden vert gjeven i følgande rekjkjefølgje: lån inntil kr. 453 750,-, deretter tilskot inntil kr. 500 000,-. Lån skal sikrast med pant i eigedommen med prioritet etter privatbank. Øvrige vilkår knytt til løyvinga vert evt. orientert om ved melding om vedtak.

Vedlegg:

Prosjekt og forettingsplan Seacamp